

Ambiga: Reformasi perlu babitkan masyarakat sivil
Malaysiakini.com
August 16, 2011

Pengumuman Perdana Menteri Datuk Seri Najib Razak bahawa jawatankuasa khas parlimen bagi mengkaji cadangan-cadangan bagi mengadakan reformasi dalam sistem pilihan raya negara ini adalah "langkah positif", tetapi lapan tuntutan yang dibangkitkan oleh BERSIH 2.0 mesti diambil kira, kata ketua pergerakan itu Datuk Ambiga Sreenevesan.

Katanya, walaupun ikrar kerajaan bagi memastikan pilihan raya yang bebas dan adil adalah dialu-alukan, Najib perlu memperluaskan skop jawatankuasa itu termasuk membabitkan wakil-wakil masyarakat sivil.

"Saya percaya meneliti lapan tuntutan segera BERSIH mesti menjadi keutamaan. Kami berharap untuk melihat pembabitan masyarakat sivil dalam proses ini. Kami juga bersedia untuk membantu.

"Masih banyak yang perlu dilakukan sebelum pilihan raya umum ke-13," kata Ambiga dalam SMS dari UK, di mana beliau sedang bercuti.

Copyright © 1999-2007 Mkini Dotcom Sdn. Bhd
<http://www.malaysiakini.com/news/173120>